



Aningaasaqarnermut Naalakkersuisoqarfik
-/ Maani

AIS 2015 pillugu Inatsisartut Aningaasaqarnermut Akileraartarnermullu Ataatsimilita-
liaanut akissut

Naalakkersuisunut tamarmiusunut apeqqutit tullingguuttuni akineqarput. Akissutit
taamaallaat Aalisarnermut, Piniarnermut Nunalerinermullu tunngassuteqarput.

3.13-imut Akissut Immikkoortoq 3.5 apeqqut a)

Naalakkersuisut erseqqissaatigissavaat Kalaallit Nunaata isumaqatigiissutai immik-
koortut marluummata;

- 1) Suleqatigiinnissamik isumaqatigiissut (Qajaq isumaqatigiissut)
- 2) Aalisarnikkut suleqatigiinnissamik isumaqatigiissut

Ilumoorpoq Aalisarnikkut suleqatigiinnissamik isumaqatigiissut aqutigalugu aningaasat
taaneqartut pissarsiarineqarsinnaammata, isumaqatigiissutilli nalingi ataatsimut isigi-
neqartussaapput. Isumaqatigiissutit marluk aqutigalugit Kalaallit Nunaata aningaasat
tamakkiisumik pissarsiarisartagai inuiaqatigiinnut pissarsissutaanerpaasarnersut na-
lilersuinissami ilaassapput, tassani eqqarsaatigalugit aalisagartassiissutit EU-mut tu-
ninqartarneri imaluunniit nammineq aalisarlugillu tunisassiarineqarsinnaaneri. Isum-
maqatigiissutit ataqatigiissuunngillat, taamaattoorli imminnut attuumassuteqarlutik. Isum-
maqatigiinninniarnernut atatillugu ingerlaavartumik naatsorsuisoqartunilu misis-
sueqqissaartoqartarpoq.

3.13-imut akissut Immikkoortoq 3.5 apeqqut b)

Aap, nalinginnaavoq biologinit siunnersuutit periarfissiitillugit pisassat allassimasutut
EU-mit akuerineqartarnerat ukiunilu kingullerni pisassiissutit tamakkerlugit pisari-
neqartarsimapput taamaallaat Tunumi raajat ammassaallu pinnagit. Tassunga tun-
ngatillugu oqaatigineqassaaq pisassiissutit ilaat EU-mut, Norgemut Savalimmiunullu
pisassanngorlugit illikartinneqartarmata.

3.13-imut Immikkoortoq 3.5 apeqqut c)

Aalisarnikkut suleqatigiinnissamik isumaqatigiissut eqqarsaatigalugu missingersuutit
tapiissutit annikillineqarnikuunngillat.

Ilinniartitaanermit tuningatillugu suleqatigiinnissamik piffissami 2014-2020 isu-
maqatigiissummut tunngatillugu tapiissutit aningaasartai ukiut tamaasa tunniunne-
qartarput ukiumut sinaakkusiussat 80%-ii aalajangersimasumik tunniunnerisigut tunni-
ussassallu allanngorartut annertunerpaamik 20 %-iisa tunniunnerisigut. Nikerartumik
tunniuttakkat amerlassusissaannut ilinniartitaanermit sammisassat takussutissartaat ar-
lallit pillugit aalajangersimasumik anguniakkat anguneqarsimanersut apeqqutaapput.
Anguniakkat EU-p Namminersorlutillu Oqartussat akornanni isumaqatigiinniutigi-
neqartarput. Missingersuutit tapiissutinik pissarsinissamut EU-p piumasaqaatai ma-
linneqarsimassapput aalajangersimasumik tunniussassat tunniunneqarnissaannut.

EU Kommissionimik isumaqatigiinninniartarnerit oqalutuarisaaneq naapertorlugu an-
gusaqarluarfiusussanik anguniagassiffiutitsisarpoq, illuatungerit isumaqatigiissute-

qartartussaammata. Ukiuni 2007-2013 aningaasat pissarsiassat allanngorartut eqqarsaatigalugit agguaqatigiissillugu tunniunneqartartut 80 %-imit annertunerulaarsimapput. Tassa imaappoq aningaasat tunniussassat aalajangersimasut agguaqatigiissillugu 80 %-ii tunniunneqartarput kiisalu aningaasat nikerartumik tunniunneqartussat 20 %-iusut 80 %-ii (tassalu $(0,8+0,8*0,2)*100=96$ % missaat agguaqatigiissillugu). Anguni-agassat isumaqatiginninniutigineqartarnerinik aaqqissuussineq isumaqatigiissutini nu-taani attatiinniarneqarpoq. Taamaasilluni aningaasat tunniussassat allanngorartut eqqarsaatigalugit 100%-imik ukiut tamaasa tunniussisoqartannginnissaa aarle-qutissaavoq.

6.23-mut akissut konto pingaarneq 24.11.20-imut tunngasoq apeqquut b)

AI 2014-imi akiliisitsilluni piniartitsinerit akitsuusernerinit 200.000 kr.-inik isertitaqarnis-saq missingerneqarsimavoq. 2014-imi akiliisitsilluni piniartitsinernilli tutut 61-it umim-maallu 195-it akitsuutaat akilerneqarsimapput, aningaasanngorlugit 451.000 kr.-it. An-nertussusaasa 2015-imi taamaaginnarnissaat naatsorsuutigissallugu tunngavissaqar-poq. Taamaasilluni 2015-imi akiliisitsilluni piniartitsinermi aalisartitsinermillu 350.000 kr.-inik isertitaqarnissamik naatsorsuuteqarneq annikinaarineruvoq.

6.23-mut akissut konto pingaarnermut 24.11.20 tunngasoq apeqquut c)

Inuussutissarsiuutigalugu piniarsinnaanermut allagartartaarnermi akiliutaasartoq Inu-ussutissarsiuutigalugu piniarsinnaanermut allagartat pillugit Namminersorlutik Oqartussat nalunaarutaat nr. 13, 30. december 2014-imeersoq naapertorlugi 200 kr.-init 250 kr.-inut qaffanneqarpoq, aammalu sunngiffimmi aallaaniarsinnaanissamut allagartar-taarnermi akiliutaasartoq sunngiffimmi aallaaniarsinnaanermut allagartat pillugit Nam-minersorlutik Oqartussat nalunaarutaat nr. 14, 30. december 2014-imeersoq naapertor-lugu aamma 200 kr.-init 250 kr.-inut qaffanneqarput.

6.24-mut akissut konto pingaarneq 24.11.26-imut tunngasoq apeqquut a)

Avaleraasartoorniarnep Kalaallit Nunaata imartaanni ukiuni pingasuni ingerlanneqal-ereernerani Kalaallit Nunaata imartaanni avaleraasartooqassuseq paasiumallugu imartat Pinngorititalleriffimmut misissuiffigineqartussat ukiumiit ukiumut annertusi-neqartarput. Misissuinerit ilutigalugit misileraalluni aalisartitsisarnerit imartat ilaanni uki-uni suli arlalinni ingerlanneqartarsinnaanissaat naatsorsuutigisariaqarpoq. Oqaatigi-neqassaarli imartani aalajangersimasuni aalisarnerit inuussutissarsiuutigalugu aalisarner-tut isigineqalertariaqarmata.

1.11-imut akissut konto pingaarnermut 50.01.01-imut tunngasoq

Aalisarnermut, Piniarnermut Nunalerinermullu Naalakkersuisoqarfiup Kalaallit Nunaanni pisuussutiniq uummassuilinnik aqutsineq massakut isumagisaraa, inuussutissarsiuutit pingaarnersaralugu toqqammavisoq. Tamatuma saniatigut Naalakkersuisoqarfiup pin-gaarnertut akisussaaffigai nunat tamalaat akornanni, nunap immikkoortuinik kattuffinnillu isumaqatigiissuteqartarnerit.

11.2-mut akissut konto pingaarnermut 50.01.17-imut tunngasoq

Naamik, aalisakkat akii isertitatut aningaasaliissummut uunga sunniuteqarneq ajorpoq.

11.3-mut akissut konto pingaarnermut 50.06.50-imut tunngasoq apeqquut a)

Aap, Naalakkersuisut naatsorsuutigaat aalisarnermut aningaasaliissutitut immikkoorti-tani aningaasaliissutit 2015-imi pisariaqartitanut matussutigissallugit naammassasut.

11.3-mut akissut konto pingaarnermut 50.06.50-imut tunngasoq apeqqu b)

Aalisartut ataasiakkaat inuussutigisinnaasaminnik isertitaqalersinnaanissaat eqqarsaatigalugit pissutsit arlallit Naalackersuisut pingaartutut nalilerpaat, tassunga ilanngullugit pisariaqartitanik isertitaqarnissamut akit naammaginartumik inissisimanissaat. Akit qaffasissut anguneqassapput nunatsinni najukkani assigiinngitsuni aalisakanik pisiortortartut assigiinngitsut imminnut unammillilersinnaanissaasa periarfissinnerisigut. Tamatuma saniatigut aalisartut naammattumik isertitaqarsinnaassappata pisassiissutinik pisariaqartinneqartunik pigisaqartariaqarput.

11.3-mut akissut konto pingaarnermut 50.06.50-imut tunngasoq apeqqu c)

Naalackersuisut isumaqarput aalisartut angallatimik iluarsaattarnissaanut, aserfallatsaaliornissaanut sillimmasernissaanullu aningaasanik illikartitsisartut, periarfissaqartitsineq naapertorlugu aalisarnerminnik ingerlatsiinnarsinnaajumallutik.

11.4-mut akissut, konto pingaarnermut 51.01.07-imut tunngasoq apeqqu a)

Siunnersorteqarfik atuisut ilaannakortumik akiliuteqartalernissaanik eqqussinikummat, ataatsimiititaliap nammineerluni nalilertariaqarpaa tamanna tamakkiisumik luatsisimanersog.

11.4-mut akissut konto pingaarnermut 51.01.07-imut tunngasoq apeqqu b)

Naalackersuisut isumaqarput isumaqatigiissutip tassunga tunngasortaa eqqarsaatigalugu angusaqarluarusussuseq aallartinneqareersog. Ukiut tamaasa oqaasertaliisarnissaq siunertarineqarsimangikkaluarpoq, tamannali pisariaqarsimavoq siusinnerusukkut atuisut akiliuteqartinneqartarsimangimmata.

11.4-mut akissut konto pingaarnermut 51.01.07-imut tunngasoq apeqqu c)

Pineqartumi piginnaangorsaasoqarnissaani ikiortaasinnaasut tamarmik akuutinneqarnissaat Naalackersuisut kissaatigaat.

11.4-mut akissut konto pingaarnermut 51.01.07-imut tunngasoq apeqqu d)

Angusaqarnissamik isumaqatigiissutip kingulliup assilinqarnera ilanngullugu nassiunneqarpoq.

11.5-mut akissut konto pingaarnermut 51.03.03-mut tunngasoq

Naalackersuisut tunngavissat taamaatillugit 2015-imi 15 mio. kr.-inik illikartitsinissamik piumasarineqartutut iliornissaminnut periarfissaqarsimangillat. 2015-imi Aningaasaqarnikkut ingerlatsineq pillugu nalunaarummi takuneqarsinnaasut Nunalerineq pillugu Ataatsimiititaliarsuup isumaliutissiisutini naammassisimavaa tassunga ilanngullugit 2014-imi kaammattuutigisimasani.

Aningaasaqarnikkut avatangiisitigullu attanneqarsinnaasumik nunalerinerup ineriartortinneqarnissaanut ikorfartuutaasinnaasut periarfissat sulliarilluakkamik tunngaveqarlutik Naalackersuisut nalilersornissaat qilanaaraat.

Naalackersuisut kaammattuutinik naliliiniarput kaammattuutinullu tunngatillugu iliuussisatut pilersaarutissatut siunnersuusiorniarlutik. Inatsisinik nutarterinissamut tunngatillugu kaammattuutit ilaat maanna ilusilersorneqalereerput tamanullu tusarniaasutigineqassallutik. Aammattaaq kaammattuutit pisortanut aningaasaqarnikkut kingune-

qartorujussuusinnaasut ilaasa piviusunngortinneqarnissaat sulissutigineqarpoq. Tamatumana nunalerineq pillugu politikip taassumalu sunniutaasa inuussutissarsiornermik ineriartortitsinermut tapersiffiulluurtumik Nunattalu Karsiata pisariaqanngitsumik fatineqarfiginngisaanik pinissaa pingaaruteqarpoq.

AIS 2016-ip tungaanut isummernissamat tunngavissiamik piareersaasoqarpoq, AIS 2015-imut tunngatillugu partiit aningaasanut inatsisissamat tunngatillugu isumaqatigini-arneqarnerinut atatillugu kissaatigisimasaasa ilai naammassisinnaajumallugit, tassunga ilaallutik Nunalerineq pillugu Ataatsimiititaliarsuup isumaliutissiisutaata naammaginar-tumik aningaasatigut malitseqartinnissaa eqqarsaatigalugu.

24. marts 2015
Suliap nr. SJ-STD-TOKE
Dok. Nr. 1910851

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

11.6-imut aktissut konto pingaarnermut 51.07.40-imut tunngasoq

Kontomi pingaarnermi aningasallissutit siunertanut assigiinngitsunut pingasunut atorineqartarput.

- 1) sinerissap qanittuani inuussutissarsiuteqartunut taarsigassarsisitsinernut,
- 2) aalisarnermik, piniarnermik nunalerinermillu inuussutissarsiuteqartut umiatsiaar-artaarnerinut tapiissutitut.
- 3) nunalerinermik inuussutissarsiuteqartunut taarsigassarsisitsinernut tapiissute-qartarnernullu.

Naalakkersuisut inuit pineqartut allamik nutaamillu inuussutissarsiuteqalernissaanik innersuutiinnarsinnaangilaat, aatsaalli taamaasiorsinnaallutik isertitsisinnaanissamat periarfissaqarpata suliffissaqarpatalu. Naalakkersuisut siunertaraat innuttaasut ilaat minnerunngitsumillu inuussutissarsiuteqartut tapiiffigineqartuarlutillu ikiorserneqartuar-nissaat. Periarfissaq alla taavoq allatut ikiorsiissutitut tapeeriaaseqalernissaq. Ernialinnik kisiat taarsigassarsisitsisalermissaq Naalakkersuisunit eqqarsaatersuutigineqanngilaq.

Med venlig hilsen
Inussiarnersumik inuulluaqqusillunga

Karl-Kristian Kruse